

केपूया चिलन्चो बहाः

(जगतपाल महाबिहार)



(सौजन्यः मिलन स्टूडियो, केपू)

-सुख सागर

छत्वाःचा

नेपाःया राजनैतिक इतिहासय् कीर्तिपुरया तःधगु स्थान दुसां
श्व क्षेत्रया बारे ऐतिहासिक, धार्मिक, सांस्कृतिक दृष्टि गुलि अध्ययन
अनुसन्धान जुइमाःगु छः, व आःतक लुदंक जूगु मदुनि । उर्कि थन
आपालं महत्वपूर्ण ऐतिहासिक सांस्कृतिक निधि दुसां नं महत्वहीन
जुयाः लुप्त जुया च्वनेमाल । दसुया निर्मित मत्स-शासन कालय्-
केपुलीयागु लाय्कूछे^० गन थासय् लाः, आः श्व लाय्कूछे^० छु अवस्थाय्
दु, स्यूर्पि शायद ह्योहे जक दइ, न सिइकेगु इच्छा याःपि हे खनेदु ।

अथे हे धार्मिक सांस्कृतिक दृष्टिकोणं महत्वपूर्णगु केपूया
'चिलंचो बहाः' थनया बासिन्दातय्गु निर्मित प्रसिद्ध जूसां श्व बहाःयां
धातयेगु नां, थुकिया स्थापनाकाल अले श्व स्थापना याःह्य मनूया
बारेया ज्ञान दुपि जि मस्यू । श्व छगू समस्या जुयाच्चन धाःसा केपुलि
पिने ये^०, यल, ख्वप व मेमेगु थासय् च्वपिसं नं केपुली थजाःगु विहार
दु धंगु तकं नं मस्यूनि । थथे जूगुया कारण श्व विहारया विषय सुं
विद्वान पाखें नं छुं लेख वा सफू पिमदंगुलि हे जुइमाः । उर्कि लुप्त
जुयाच्चंगु श्व विहारया बारे सकसितं सिइके बिइया निर्मित नेपाःयाह्य
छह्य प्रसिद्धह्य इतिहासकार, गुह्येसिके श्व विहारयागु थोथी अभिलेख
ज्वलं संकलित जुयाच्चंगु दु, वसपोलयात श्व विहार सम्बन्धी लेख
च्वैबिज्यायेत तःकः, तःगू प्रकारं इनाप याना । तर वसपोलया अति
लिमलाःगु कारणं श्व ज्या पूर्वके मफुत । लिपा ला वसपोल थः हे
संसारं बिदा कैबिज्यात ।

छन्हु छगू खँया प्रसंगय् पासा सुखसागरयात दुःखपूर्वक थ्व खँ कनाबलय् वय्कलं थःयाके दुगु आधारयात कयाः लेख च्वयेगु बचं बियादीथे ज्या नं पूवकाः लेख जित बियादिल । जि ' नेपाल ऋतुपौ ' (नेपालभाषा परिषदया स्वाःपौ) स पिकया बिया । आः हाकनं २५३६ वयंगु बुद्ध जयन्तीया लसताय् पिकयाच्चना । जिगु अनुरोध यात सहर्ष स्वीकार यानाः वय्कलं थ्व लेख च्वयादीगुलि वय्कः पासा सुखसागरयात जि न्ह्याको हे सुभाय् ब्यूसां गाइ मखु । छायाःसा वय्कलं कुतः यानामदीगु जूसा थौं तः झीसं चिलंचो बहाःया प्राचीन खँ सिइके फेम बुनि ।

केपुलिइ धार्मिक सांस्कृतिक दृष्टिकोणं महत्त्वपूर्णगु देवस्थलत धैगु केवल बाघभैरव मन्दिर व चिलंचो बहाः जक मखु मेमेगु नं आपालं दनि, गुकिया अध्ययन अनुसन्धानया ज्या यानाः सकसिगु न्ह्योने तथ्य खँ पिकयाः बिइमाःगु आवश्यकता दु । थ्व खँसकसिनं थःथःगु क्षेत्रं मद्दिक कुतः यानादिइ धैगु आशा याना ।

थ्व लेख पिकायेत लिध्वासा जुयादिइहा साहु नारायण तुलाधरजु प्रति जि थःगु कृतज्ञता मप्वंकूसै च्वनेमफु ।

— चन्द्रमान वज्राचार्य

आरति म्ये

स्थव्वः— मचाभाइ महर्जन

त्ताल चो

जय नमो बुद्धयाके आरति याये

जगतपाल बिहारस श्री भगवान
पंचबुद्ध देवगण दरशन याये

श्री चैत्य देवलसं चाकलनि हुले
लोकेश्वर तारादेवी दरशन याये

ल्हाकल्हा अज्ञानिन आरति याये
जुगां जुग छलपोल दरशन याये

केपूया चिलन्चो बहाः (जगतपाल महाबिहार)

— सुख सागर★

पूर्व-पश्चिम ताहाकः जुयाच्चना च्वंगु केपू दानाचिया
पूर्वरिखेया बच्चि भागयात छायेपी थें च्वंक दनातःगु चिलन्चो थूर
केपूया पुलांगु ऐतिहासिक स्मारकत मध्येया छगू प्रमुखगु बौद्ध स्मारक
खः । पेखें गुरुभाजुपिनिगु छेँ खातसेँ चाःहुइकाः दथुइ तःधंक बहाःया
रूपय् थाय् प्वंकाः उके नं दथुइ तःजायेक फः थकयाः व फःया दथुइ
थूर थकयाः दयेका तःगुलि थ्व चैत्य पूर्वी केपूया तिसा थें हे च्वं ।
मूलगु थूर व कचा थूरत दक्कं प्राकृतिक त्वहँव (Rock Surface)
यात तछ्यानाः, माथं वंकालि उके छःने थनातःगु दु । मूलगु थूर
दक्कसिबे च्वय्या वं १०. ५ मि तःजायेक थकयातःगु दु । अथेतुं
दक्कले च्वय् च्वंगु वं ३२ मि० या दासुइ पेकुं लाका दयेकाःतःगु

★वय्कः केपूमि खः, पुरातत्व विभागया पुरातत्वविद् खः ।
वय्कः खुदँ तक पुरातत्व विभागया लिपि विशेषज्ञ जुयाः थौंकन्हे
मुस्ताङया गुफा उत्खननय् संलग्न जुयादीगु दु । देश विदेशया अंग्रेजी
पत्रिकाय् नेपाःया पुरातत्व कला व वास्तुकला सम्बन्धी वय्कःया लेखक
पिदं । वय्कः छह सफल फोटोग्राफर नं खः । सं०

खने दु । न्यागलं थूरत नेपाःया नांदंगु दचि अप्पां दयेकातःगु दु ।
थूरया अण्डभाग्य जक सखाः पानाः तुइकाः तःगु दु ।

थूरया पूर्वपाखे किसिया क्वसं थनातःगु ने० सं० ६३५ जेठया
त्वहँ पतिइ यल, पिम्बाहाया जगत्पाल वर्मा वयाः “जगतपाल
महाविहार” प्रतिष्ठा याना दयेकाः थकल धकाः कियातःगु दु ।

“१ निसैं २० धवः तक स्यनाःचवने धुंकूगुलि ब्वने मफुत ।
अनं

२१. बर्षे नेपाल जाते शर गुण रशके जेष्ठ शुक्ला अष्टमीके नक्षत्रेपूर्व
फाल्गुन्य

२२. ... वज्रयोगे विस ... वारे चान्द्रे वृषे ... सिंहवासिस्थ चन्द्रे
पन्च श्रीबुद्ध चैत्य प्रथित वर

२३. सम्बत ६३५ फाल्गुण शुक्ल प्रतिपद्यायान्तिथौ पूर्व भद्र नक्षत्रे

२४. शिवप्रसाध्य योगे बुधवासरे थ्व दिनकोन्हु पादस्थापन । फाल्गुण
शुक्ल दशम्यायान्तिथौ आद्रा नक्षत्रे ।

२५. थो कोन्हु द्वार स्थापन ॥ वैशाख शुक्ल दितीया प्रतृतियायान्तिथौ
कृतिक प्र रोहिनी ...

२६. नक्षत्रे शोभनयोगे सोम वासरे थ्व दिन कोन्हु त्रिशसाङ्ग विवखादेव
थापन ॥ जेष्ठ शुक्ल सप्तमि प्र अष्टमि

२७. आदित्य वासरे थ्व कोन्हु अग्निस्थापन ॥ थ्व नसन्ति प्रतिष्ठा ॥
थ्वनसन्ति रात्रिक्रया ॥ थ्व नसन्ति पूर्णादिन ॥

२८. स्वस्ति श्रीललितपत्तने श्रीश्रीमत्पशुपति चरण कमल सेवित
श्रीश्रीमानेश्वरीवरलब्ध प्रसादित

२९. परम भट्टारक परमेश्वर महाराजाधिराज श्रीश्रीजयरत्न मल्ल
देवस्य ॥ श्रीश्री जय रण मल्ल देवस्य श्रीश्री

३९. जय राम मल्ल देवस्य विजय राज्य [बेलस] श्रीश्री मानीगलके
श्रीमत् श्रीश्रीमदार्यावलोकितेश्वर चरण पंकज
३१. सेवित श्रीश्रीमत ... श्रीमत श्रीश्रीजल मंडप पल
चैत्ययं तथागत सेवा तत्पर
३२. श्रीमत् श्रीश्री ... श्रीहरसिद्धि बरलब्ध प्रसादित
श्रीमत् श्री
३३. ... महावीर ... श्रीश्री ... इन्द्रायणी व्याघ्रेश्वर पूजनचीत
तथाचश्रीमत्
३४. श्रीश्रीमानेश्वरी ... शसक्ति योगाम्बरा राघव पत्परमिति
श्रीमत् श्रीश्री
३५. चक्र सम्बर ... थापनाचार्य लुब्धराज गजांकूश शरणागतरा
३६. ज वज्र ... बज्रप्रधान महा असुर नारायण
३७. ण श्री ... यज ... तस्यात्मजव यषश्रीजय
३८. रक्षपाल ... ठकुरिणीसन

सौजन्य:- डी० आर० रेग्मीया

मेडीयभल नेपाल

पृष्ठ १०२

जगतपाल वर्मा थन दुगु थूरयात हे बांलाक दयेका: छ:छे^०
जक तना: “जगतपाल महाविहार” धका: नां छुना: थकल अथवा थव
चिलंचो थूरनापं दयेका: थकल धैगु खँ थव त्वहँपतिइ बांलाक च्वैत:गु
खने मडु । तर जगतपाल महाविहार दयेकूगु खँ धा:सा जग म्हुसां
निसें पलिस्था या:गु तक्या खँ बांलाक च्वैत:गु दु । उकेँ याना थव थूर

जगतपाल वर्मा सिब ल्लापा हे दैच्वंगु नं जुइफु । अले जगतपालं थन वयाः थूरयात ल्वयेक दक्षिणपाखे छःछेँ दयेकाः “जगतपाल महाविहार” धकाः नां छुनाः वंगु सम्भव नं जुइफु ।

थ्व न्यागलं थूरत ल्लापां दयेकूबलय् केवल थूरया स्वरूपकथं साधारण रूपं जक दयेका त्वःताः तःगु खनेदु । थूरत बाहेकं थौंकन्हे वालावालां खनेदुगु छःचात, चीभाःत धर्म-थां, धर्मधातु इत्यादि उबले हे दये धुंकूगु खने मदु । साधारण रूपं न्यागः थूरत व दक्षिण पाखेया छःछेँ जक दैच्वंगु जुइमाः, कमसेकम सत्या-दै लिपा तक्क नं ।

जगतपाल वर्मा ने० सं० ६३५ सालय् छःछेँ दयेकाःत्वहँ पौ तयेधुंकाः नं सत्या दै तक थूर व जगतपाल महाविहार खुं छता दानपूण्य याःगु खं सिइ मदुनि । अले हानं ने० सं० ७८१ सालनिसँ थूर व छःछेँ पाखे नं धमाधम मेमेपिं छःत, द्वारपाल, चीभाः, धर्मधातु, धर्म-थां गं-थां इत्यादि ततं वनेगु ज्या शुरू जुल । छसिकथं गुबले छु यात धौगु खँ झीसं सःथे स्यूथे च्वये ।

ने० सं० ७८८ सालय् दक्कले च्वय्च्वंगु फःया उत्तर-पूर्व कुनय् कलश मण्डल व चीगोगु धर्मधातु मण्डल, क्रोधराज नां दुपि निहा महाकाल व वया दक्षिणपाखे च्वंगु गं थापन यात । तर थौंकन्हे गं व ल्लापाया करुणामय खुयाः यंके धुंकल । दच्छिलिपा ७९० सालय् थूरया अण्डभागय् पेकुनस पेह्र जर मनुक्ष दोहलपा जुल । अनं ७९१ सालय् थूरया पेखे च्वपिं पंच-बुद्धपिं व पूर्वरिखेया करुणामय थापना यानाः अग्नीहोम यायेत अग्नीशाला नं दयेकाः प्रतिष्ठा यात । मेगु दै ७९२ सालय् छुं छता जूगु खनेमदु । हानं ७९३ सालय् थूरया क्वथं पूर्वपतिइ जवपाखे त्रिरत्न (बुद्ध, प्रज्ञापारमिता व तारा) दयेका सिंहस्तम्भ दोहलपा जुल । व हे सालं थूरया पेकुने पेह्र तारा देवीपिं यलया राघव भारों दयेकाः प्रतिष्ठा यात ॥ थुलि यानाः स्वदै तक

छुं नं याना तःगु खनेमदु । ने० सं० ७६७ सालय् हानं छकः थूरया पेखें पञ्चदुद्धया चिचीगोगु देगःचात दयेका तःगुलिइ चमरदेवी व बोधिसत्त्वपि तनाव्यूगु खनेदु । अले हानं ताकाल तक छुं नं जूगु खनेमन्त ।

छक्कलं लिपा ने० सं० ८३२ सालय् वयाः यःछेया पश्चिमपाखे चाकलाः चीभाः दयेकल । ने० सं० ८३५ सालय् यःछेया सिंह निह्वा छःगु खनेदत । अनं ८७६ सालय् उत्तर पाखेया गं छाःगु जुल । ८६८ सालं पूर्वपाखे दक्कले क्वय्च्वंगु फःया दचि अःपाया चीभाः छगः खने दःवल । थुलि जुइ धुंकाः ८०० या शताब्दी नं क्वचाल ॥

अनं गुसः सालया शताब्दीइ धाःसा छुं हे जूगु खनेमदु । ने० सं० ८८८ सालय् गोर्खालीतय्गु अधिपति नेपाः गालय् जुमैं जूगु नेवाः संस्कृति व नेवाः आर्थिक व्यवस्थाय् लाःगु लिचवलं केवल तहस नहस जुइगु सिवें छुं जुइमफुत । नापं राणातय्गु बौद्ध नीतिप्रति क्वपुंगु धारणां यानाः नं थुगु शताब्दीइ छुं जुइ मफुगु जुइमाः ।

ने० सं० द्वाःछिगु शताब्दी दुने धर्मधातु मण्डलया उत्तरपति ने० सं० १०४० सं छगः चीभाः व ने० सं० १०६६ सालं “षडक्षरी लोकेश्वर” पलिस्था यानाः पेखें चाकःपःखाः थनाः दैयदसं कतिपुह्लि खुन्हु मत च्याकेत १३३ प्वाः मतया लागि बैकय् धैवाः तयाः उकिया ब्याजं चले यायेगु यानाः व्यवस्था याःगु जुल ।

अन्तय् ११०० सालया शताब्दी नकतिनि शुरूजुल । तर थ्व इलय् नं थूरया क्वसं दक्षिया पाखे छगः सी क्वय् चीभाः (ने० सं० ११११) व तःग्वय्क माने छायाः ने० सं० १११४ स पलिस्था यानाः क्वचायावन ।

थ्व बाहेकं मेमेगु चीभाःत, यःचात, गंथां, जधुंहिति फल्चा, दयेकाः प्रतिष्ठा यानातःगु दु, तर उकिया छुं नं ल्वहँगौ च्वयाः

तःगु खनेमदु । तल अथे सिधैवन । सायद गनं गनं ह्लाना च्वंगु नं दैतिनि ।

चव्य न्ह्यथनाह्य “जगतपाल” सु खः ? अले केपुलिइ हे वयाः छाया थ्व महाविहार दयेकल वँगु खँ भच्चा नं वालाः स्वये । ह्लापानेपाःगा [स्वनिगः] दुने थीथी राज्यत दैच्चंबल्य् ख्वप, येँ व यलया रूपे देचात दुगु जुयाच्वन । अले येँ व ख्वप्य् थःथःगु जुजुपि राज्य यानाच्वन । यल्य् जक “सप्त कुतुम्ब” धका यलया थाय् थासे च्वंगु बहाः बहिलिइ च्वंपि महापात्रतसें येँया जुजुपिनि लिधंसा कयाः राज्य यानाच्वंगु जुयाच्वन । व हे महापात्र त मध्ये छहा येँया जुजु रत्नमल्लया पाल्य् शक्तिशालीह्य महापात्र जुया पिहांवल । व महापात्र जगतपाल बर्मा यल्य् पिम्बाहालय् च्वंह्य जुयाच्वन । वं थःगु इलय्, थःके शक्ति दुबलय् फक्व यानाः थकेमाः धँगु मनं तुनाः केपूया आजुद्यः (वाघ भैरव) या देगः ल्ह्वेनेगु ज्या कार्तिकं ववचायेकाः मापं तुं “जगतपाल महाविहार” धकाः छःछेँ [दिगि छेँ आगंछेँ] नं दयेकाः थःगु हे नां छुनाः थकल ।

जगतपालं थज्यागु ज्या यल्य् हे मयाःसे केपुलिइ हे वयाः छाया यात धँगु खँय् धाःसा धनवज्र गुरुभाजुया कथं उबले यलया राज्य दुने लाःगु व जगतपालया ससःखलः केपुलिइ जुयाच्वन । उके यानाः थःगु ससः लागाय् फत्तले धर्मया ज्या यानाः थकेगु व थःगु शक्तिया शान केनेगु पाय्छिगु थाक् नं थन हे जूगु निर्मित केपुलिइ थ्व ज्या यानावंगु जुयाच्वन । यल्य् पिम्बहाः थूरयात चिलंचः धाइगु व केपूया थ्व थूरयात चिलंचो धाइगु खँ विचाः यानाः स्वयेगु अले अनया थूर व केपूया चिलन्चो थूर छगू हे नाप नक्सां दयेकाः थकूगु स्वये बलय् जगतपालं थ्व ज्या याःगु खँ अजू चाये माःगु खनेमदु ।


येँया जुजु रत्नमल्ल मदय् धुँसेलि जगतपालया विरोधी महापात्र
 बिष्णुसिंहं वादेया मनूत मुंकाः हयाः जगतपालया छेँसंतुं ने० सं० ६४७
 पाखे कुचा कुचा यानाः स्यानाः बिल । थ्व खँ केपूया पालिफः त्वाः
 गनेद्यःया संवत् ६४८ या त्वहँपतिइ च्वयातःगु दु । अले थ्व पालिफः
 गनेद्यः नं वहे जगनपाल बर्मा नापं सिनावंद्वा “लुँति” धँद्वा छद्वा मनूया
 नामय् वया सन्तानपिसं पलिस्था यानाः थकूगु जुयाच्वन ।

[स्रोतः ‘नेपाल ऋतु-पौ’
 दँ ४३ ल्याः ७०]



छिकपिनिगु छेँया निम्ति जिमिगु कारखानां उत्पादन जूगु अल्मोनियमया सामान

कसःरि, कराइ, धवः, पन्यू, फ्राइपेन



लीया सामान

कसःरि, कचःरा, तांफ, करूवा, धवः, पन्यू, गं व
लीया स्वानेय् तयेगु चौकोश इत्यादि दंगु, भिंगु माल
धाःसा जिमित याक्कनं स्वापू तयादिसँ ।

महाभारत मेटल इण्डस्ट्रिज

बल्लु, तेखुसि । फो. नं.:- २१६६८३